



O Xurado Provincial de Clasificación de Montes Veciñais de Pontevedra, ditou a seguinte **RESOLUCIÓN:**

ASISTENTES

PRESIDENTE

D. Gerardo Zugasti Enrique

VOGAIS

D. Enrique Martínez Chamorro
(Xefe do Servizo de Montes)

D. Víctor Abelleira Argibay
(Representante colexio de avogados da provincia)

Dna. Lorena Peiteado Pérez (Letrada da Xunta de Galicia)

D. X. Carlos Morgade Martínez
(Representante das CMVMC da provincia de Pontevedra)

VOGAIS REPRESENTANTE DOS VECIÑOS DO LUGAR DOS MUIÑOS

Non asisten a pesar de estar debidamente convocados.

SECRETARIA

Dna. Ana Belén Fernández Dopazo.

Na cidade de Pontevedra, sendo as 17:30 horas do día 24/05/2011, coa asistencia das persoas á marxe reseñadas, reúnese na 2ª planta do Edificio Administrativo sito no nº 43 da rúa Fernández Ladreda o Xurado Provincial de Clasificación de Montes Veciñais en Man Común co obxecto de decidir, entre outros asuntos, sobre resolución do expediente de clasificación dos montes denominados “**Monte dos Muiños**” solicitado a prol dos veciños do lugar dos Muiños, parroquia de San Xoán de Vilanova, do concello de Lalín.

ANTECEDENTES DE FEITO

PRIMEIRO.- Con data de entrada 23/03/2010, Jesús Varela Soto e María Pilar Sira Carrón veciños de Vilanova-Lalín, presentan unha solicitude de iniciación de clasificación do “Monte dos Muiños” como veciñal en man común.

SEGUNDO.- O Xurado Provincial de Montes en Man Común, na súa sesión de 07/06/2010, acordou incoar o correspondente expediente de clasificación do monte a prol dos veciños da parroquia de San Xoán Vilanova, concello de Lalín.

O 08/06/2010 o Xurado Provincial de Montes en Man Común solicita o Servizo de Montes a elaboración do informe preceptivo conforme o artigo 20 do Decreto 260/1992 do 4 de setembro, polo que se aproba o Regulamento para a execución da Lei 13/1989, do 10 de outubro, de Montes Veciñais en Man Común.



TERCEIRO.- A Rexistradora da Propiedade de Lalín certifica que os montes denominados: "Monte dos Muíños- Monte da Golfa" y "Monte dos Muíños" sitos na parroquia de San Xoan de Vilanova non figuran inscritos no Rexistro da Propiedade polo Concello de Lalín.

CUARTO.- Á vista da documentación aportada polo solicitante e o informe do Servizo de Montes, o paraxe obxecto do presente expediente, obedece á seguinte descrición:

NOME DO MONTE: "MONTE DOS MUIÑOS"

Parcela I: "MONTE DA GOLFA E CIMA DA GOLFA"

CONCELLO: LALIN
PARROQUIA: SAN XOAN DE VILANOVA

Cabida: 9,43 ha (aproximadamente)

Lindes:

Norte: Propiedades particulares.

Leste: Propiedades particulares.

Sur: Propiedades particulares.

Oeste: Propiedades particulares.

Parcela II: "MONTE CARPACEIRA"

CONCELLO: LALIN
PARROQUIAS: SAN XOAN DE VILANOVA

Cabida: 37,58 ha (aproximadamente) exceptuado os encravados de "Prado de Castelo" e "Zarra de Servando"

Lindes:

Norte: Propiedades particulares.

Leste: Propiedades particulares.

Sur: Propiedades particulares.

Oeste: Propiedades particulares.

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.



Segundo.- De conformidade có artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende entender por montes veciñais en man común “... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños”.

Terceiro.- Por outra banda, de conformidade có artigo 5 da Lei 43/2003, de 21 de novembro, de Montes, **considerase monte** : “ todo terreno en el que vegetan especies forestales arbóreas, arbustivas, de matorral o herbáceas, sea espontáneamente o procedan de siembra o plantación, que cumplan o puedan cumplir funciones ambientales, protectoras, productoras, culturales, paisajísticas o recreativas.

Tienen también la consideración de monte:

- a. Los terrenos yermos, roquedos y arenales.
- b. Las construcciones e infraestructuras destinadas al servicio del monte en el que se ubican.
- c. Los terrenos agrícolas abandonados que cumplan las condiciones y plazos que determine la comunidad autónoma, y siempre que hayan adquirido signos inequívocos de su estado forestal.
- d. Todo terreno que, sin reunir las características descritas anteriormente, se adscriba a la finalidad de ser repoblado o transformado al uso forestal, de conformidad con la normativa aplicable.
- e. Los enclaves forestales en terrenos agrícolas con la superficie mínima determinada por la Comunidad Autónoma.”

E non se consideran monte:

- f. Los terrenos dedicados al cultivo agrícola.
- g. Los terrenos urbanos y aquellos otros que excluya la comunidad autónoma en su normativa forestal y urbanística.

Cuarto.- De conformidade coa lexislación autonómica e en concreto có artigo 32.2.b) da Lei 2/2010 de 25 de marzo de medidas urxentes de modificación da Lei 9/2002, de 30 de decembro de Ordenación urbanística e protección do medio rural de Galicia os **solo rústico de protección forestal**, están constituídos polos terreos destinados a explotacións forestais e os que sustenten masas arbóreas que deban ser protexidas por cumprir funcións ecolóxicas, productivas, paisaxísticas, recreativas ou de protección do solo, e igualmente por aqueles **terreos de monte** que, aínda cando non sustenten masas arbórea, deban ser protexidos por cumprir as ditas funcións e, en todo caso, polas áreas arbóreas formadas por especies autóctonas, así como aquelas que sufrisen os efectos dun incendio a partir da entrada en vigor desta lei ou nos cinco anos anteriores a ela.....”



E considerando tamén, o artigo 2 da Lei 3/2007, de 9 de abril, de prevención e defensa contra os incendios forestais de Galicia, considerase **monte**: *“...todo terreo no que vexetan especies forestais arbóreas, arbustivas, de matogueira ou herbáceas, sexa espontaneamente ou procedentes de sementa ou plantación, que cumpran ou poidan cumprir funcións ambientais, protectoras, productoras, culturais, paisaxísticas ou recreativas. Teñen tamén a consideración de monte o terreo forestal os demais terreos descritos no artigo 5 da Lei 43/2003, de 21 de novembro, de montes.*

Non terán a consideración de monte ou terreo forestal os terreos dedicados ao cultivo agrícola, o chan urbano, os núcleos rurais e o chan urbanizable delimitado, incluíndo a canle e a zona de dominio público hidráulico destes chans, e os excluídos pola normativa vixente, así como os terreos rústicos de protección agropecuaria..”

CONCLUSIONS DA INVESTIGACIÓN

Primeiro.- Que Jesús Varela Soto e María Pilar Sira Carrón veciños de Vilanova-Lalín, presentan unha solicitude de iniciación de clasificación do “Monte dos Muíños” a favor do veciños de Muíños. Para dito fin aporta unha memoria técnica descritiva dos montes a clasificar. Na memoria indicase que o 22/07/2004 foi constituída a Asociación Veciñal do lugar de Muíños co fin de velar pola protección, defensa e ordenado aproveitamento do monte veciñal coñecido como “Monte dos Muíños”. Xunto ao informe achegase documentación que xustifica pagos realizados aos veciños de Muíños pola expropiación de parte dos montes polo tramo Ourense-Lalín do corredor norte-noroeste de alta velocidade. Eixe. Ourense-Santiago.

Segundo.- Do informe de campo do Servizo de Montes de data 14/07/2010 desprendese, que hai dúas parcelas, que en realidade son tres, xa que a situada máis o norte (monte da Golfá e Cima da Golfá) esta separada en dous pola liña do ferrocarril do AVE.

En esta non se aprecian signos de aproveitamento na actualidade e esta poboada por latizal de piñeiro, e bosque de galería de carballo y bidueiro nas cotas inferiores.

A segunda parcela (monte Carpaceira) situada máis ao oeste atopasen abundantes afloramentos rochosos, piñeiros dispersos e bosque de galería de carballos, bidueiro e salgueiros. En ela hai dos encravados representados na cartografía do expediente, e tampouco aprécianse signos de aproveitamento na actualidade.

Terceiro.- O informe de topografía indica que o Catastro asigna como titulares das parcelas de montes solicitadas á Asociación Veciñal do lugar dos Muíños Vilanova a excepción de unha, a nº 959 que aparece catastrada a nome de Jose Villamarín, pero de esta se aporta un informe do alcalde de Lalín onde especifica que dita parcela é propiedade dos



veciños dos Muíños. Tamén se aporta un recibo do ano 1962 do pago da contribución territorial dunha parcela a nome de Jose Villamarín e 23 veciños mais aínda que non se indica con claridade que a parcela sexa a indicada anteriormente. Por último e de acordo coa información catastral, dentro do perímetro da parcela denominada monte Carpadeira existen 4 parcelas de titularidade privada que corresponden cos encravados descritos "Prado de Castrelo" e "Zarra de Servando" identificados na solicitude.

Cuarto.- Segundo a abondosa xurisprudencia, o feito que xustifica a clasificación ou non como veciñal dun determinado monte en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais. Pois ben, aínda que no monte non se aprecian signos de aproveitamento recente, o uso en man común das parcelas de monte solicitadas, tense acreditado pola documentación aportada polos solicitantes.

En consecuencia, e tendo a documentación aportada e os informes do Servizo de Montes; e a vista da Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, proponse polo Instrutor e de maneira unánime o Xurado **ACORDAR:**

CLASIFICAR como veciñal en man común "Monte dos Muíños" solicitado, a prol dos veciños do lugar dos Muíños, da parroquia de San Xoán de Vilanova, do Concello de Lalín, de acordo coa descrición reflectida na planimetría aportada e a elaborada ó efecto polo Servizo de Montes que forma parte inseparable da presente Resolución.

Contra a presente Resolución que pon fin á vía administrativa, poderase interpoñer con carácter potestativo recurso de reposición perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso - administrativo perante o Xulgado do Contencioso - Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdición Contencioso-Administrativa.

